

**16 мая 2020 года**

**Прп. Феодосия Печерского**

**Последование вечерни  
для домашнего (келейного) совершения**

### **ВЕЧЕРНЯ**

Молитвами святых отец наших, Господи Иисусе Христе, Боже наш, помилуй нас. **Аминь.**

**Слава Тебе, Боже наш, слава Тебе.**

Христос воскрес из мертвых, смертию смерть поправ, и сущим во гробех живот даровав. **Трижды**

**Святый Боже, Святый Крепкий, Святый Безсмертный, помилуй нас. Трижды, и три поклона.**

**Слава Отцу, и Сыну, и Святому Духу, и ныне и присно, и во веки веков. Аминь.**

Пресвятая Троице, помилуй нас: Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

**Господи, помилуй. Трижды.**

**Слава, и ныне:**

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

[**Яко Твое есть Царство и сила и слава во веки. Аминь. (Мф. 6: 9-13)**]

**Господи, помилуй, 12.**

**Слава, и ныне:**

**Приидите, поклонимся Цареву нашему Богу.**

**Приидите, поклонимся Христу, Цареву нашему, Богу.**

**Приидите, поклонимся и припадём Самому Христу, Цареву и Богу нашему.**

## ПСАЛОМ 103

Благослові, душе моя, Господа. Господи, Боже мой, возвеличился еси зело. Во исповедание и в велелепоту облелся еси. Одейся светом, яко ризою, простираяй небо, яко кожу. Покрываая водами превыспренняя Своя, полагаая облаки на восхождение Своё, ходяй на крилу ветреню. Творяй Ангелы Своя духи и слуги Своя пламень огненный. Основаяй землю на тверди ея, не преклонится в век века. Бездна, яко риза, одеяние ея, на горах станут воды, от запрещенія Твоего побегнут, от гласа грома Твоего убоятся. Восходят горы и нисходят поля в место, еже основал еси им. Предел положил еси, егже не прейдут, ниже обратятся покрыти землю. Посылаяй источники в дебрех, посреде гор пройдут воды. Напаяют вся звери сельныя, ждут онагри в жажду свою. На тих птицы небесныя привитают, от среды камня дадут глас. Напаяяй горы от превыспренних Своих, от плода дел Твоих насытится земля. Прозябаяй траву скотом, и злак на службу человеком, извести хлеб от земли. И вино веселит сердце человека, умастити лице елеем, и хлеб сердце человека укрепит. Насытятся древа польская, кедри Ливанстии, ихже еси насадил. Тамо птицы вогнездятся, еродиево жилище предводительствует ими. Горы высокая еленем, камень прибежище заяцем. Сотворил еси луну во временя, солнце позна запад свой. Положил еси тму, и бысть ночь, в нейже пройдут вси зверие дубравнии. Скимни рыкающие, восхитити и взыскати от Бога пищу себе. Возсия солнце и обраташа и в ложах своих лягут. Изыдет человек на дело свое и на делание свое до вечера. Яко возвеличишася дела Твоя, Господи, вся премудростию сотворил еси, исполнися земля твари Твоея. Сие море великое и пространное, тамо гади, имже несть числа, животная малая с великими, тамо корабли преплавают, змий сей, егже создал еси ругатися ему. Вся к Тебе чают, дати пищу им во благо время. Давшу Тебе им соберут, отверзшу Тебе руку всяческая исполнятся благи, отвращшу же Тебе лице, возьмутся, отымеши дух их, и исчезнут, и в персть свою возвратятся. Послеши Духа Твоего, и созиждутся, и обновши лице земли. Буди слава Господня во веки, возвеселится Господь о делех Своих, призираая на землю, и творяя ю трястися, прикасаяяся горам, и дымятся. Воспою Господеву в животе моем, пою Богу моему, дондеже есмь, да усладится Ему беседа моя, аз же возвеселюся о Господе. Да исчезнут грешницы от земли, и беззаконницы, якоже не быти им. Благослові, душе моя, Господа.

Солнце позна запад свой, положил еси тьму, и бысть ночь. Яко возвеличишася дела Твоя, Господи, вся премудростию сотворил еси.

Слава, и ныне:

Аллилу́ия, аллилу́ия, аллилу́ия, сла́ва Тебе́, Бо́же. Трижды.

Го́споди, поми́луй. 12.

Кафизма 18 ( в приходской практике не читается)

Сла́ва, и ны́не:

**ГОСПОДИ, ВОЗВѦХ, ГЛАС 1-Й.**

Го́споди, воззвѦх к Тебе́, услы́ши мя. / Услы́ши мя, Го́споди.

Го́споди, воззвѦх к Тебе́, услы́ши мя: / вонми́ гласу моле́ния моего́, /  
внегда́ воззвѦти ми к Тебе́. / Услы́ши мя, Го́споди.

Да испра́вится моли́тва моя́, / я́ко кади́ло пред Тобо́ю, / воздея́ние руку́  
моёю / — же́ртва вече́рняя. / Услы́ши мя, Го́споди.

Да бу́дут у́ши Твои́ внѣмлюще гласу моле́ния моего́.

**На 6:** А́ще беззако́нныя на́зриши, Го́споди, Го́споди, кто постои́т? Я́ко  
у тебе́ очище́ние есть.

**Наста преполовение дней, / от спасительнаго начинаемых  
востания, / Пятдесятницею же Божественною печатаемое, / и  
светится светлости обоюду имущее, и соединяющее обоя, / и приити  
славе предъявляющее, / Владычняго Вознесения предпочитает.**

И́мене ра́ди Твоего́ потерпѣх Тя, Го́споди, потерпѣ ду́ша моя́ в сло́во  
Твое́, упова́ ду́ша моя́ на Го́спода.

**Слыша и возвеселися Сион, / благовестившуся Христову  
Воскресению: / вернии же его сынове возрадовашася Сего видевше,  
/ и омывающа Духом скверну христуубийства: / готовится  
торжествующи, / обоих веселое преполовение.**

**На 4:** От стра́жи у́тренняя до но́щи, от стра́жи у́тренняя да упова́ет  
Израи́ль на Го́спода.

**Приблизися Божественнаго изобильное излитие на всех, / якоже  
написася, Духа: предузаконение проповедует преполовившееся, / по  
Христове смерти и погребении и Воскресении, / от Него данну сущу  
учеником, неложному обещанию, / Утешителево показующу  
явление.**

Я́ко у Го́спода ми́лость, и мно́гое у Него́ избавле́ние, и Той изба́вит  
Израи́ля от всех беззако́нныи егó.

**Преподо́бне о́тче Богоно́се Феодо́сие, / вельми́ подви́зався во  
вре́менной жи́зни / пе́сньми, постóм и бде́нием, / о́браз был еси́ твои́м  
ученико́м / и ны́не у́бо лику́еши со Безплóтными, / Христа́**

**непреста́нно славосло́вья,/ от Бо́га Бо́жие Сло́во и Изба́вителя,/ прекло́ншаго главу́ на Кресте́/ и изба́вивша ле́сти род челове́ч./ Того́ моли́, Тому́ помоли́ся, преподо́бне,/ дарова́ти вселенней мир и ве́лию ми́лость.**

**На 2:** Хвалите́ Го́спода вси язы́цы, похвалите́ Его́ вси лю́дие.

**Преподо́бне о́тче Богоно́се Феодо́сие,/ вои́стинну сподо́бился еси́ Божество́нная жи́зни,/ чистото́ю и поще́нием сию́ обрёт,/ жив бо преста́вился еси́ на и́стинный живо́т, всех отрeкся,/ со Безплóтными Христа́ непреста́нно славосло́вья,/ от Дeвы неизрече́нно плоть приeмша,/ испровeргшаго ад и воскрeсившаго ме́ртвыя, яже от ве́ка./ Того́ моли́, Тому́ помоли́ся, преподо́бне,/ дарова́ти вселенней мир и ве́лию ми́лость.**

**Я́ко утверди́ся ми́лость Его́ на нас, и и́стина Господня́ пребыва́ет во век.**

**Преподо́бне о́тче Богоно́се Феодо́сие,/ обрeл, я́коже возлюбил еси́, чи́стую твою́ ду́шу,/ благода́ть бо Всесвята́го Ду́ха в тебe всели́ся,/ я́ко пречи́ст свет,/ Его́же поспешeнием све́тло озарeн,/ Христа́ непреста́нно славословил еси́,/ во двою́ существу́ еди́наго Бо́га,/ пострада́вшего плóтию на Кресте́/ и Божество́м безстра́тна пребывша./ Того́ моли́, Тому́ помоли́ся, преподо́бне,/ дарова́ти вселенней мир и ве́лию ми́лость.**

**Сла́ва, глас 1:**

**Пятдеся́тницы наста́ днeй преполовeние, в нeмже Христо́с обнажи́в маловидно́ Божество́нную си́лу, разсла́бленнаго стягну́ сло́вом, того́ от одра́ возста́вив, и Боголе́пно чудотвори́й в зда́нном те́ле, челове́ком дарова́ ве́чный живо́т, и ве́лию ми́лость.**

**И ны́не, догматик глас 3:**

**Како не дивимся / Богомужному Рождеству Твоему, Пречестная, / искушения бо мужескаго не приемши, Всенепорочная, / родила бо еси без отца Сына плотию, / прежде век от Отца рожденнаго без матери, / никакоже претерпевшаго изменения, или смешения, или разделения, / но обою существу свойство цело сохраншаго. / Темже, Мати Дево Владычице, / Того моли спастися душам, / православно Богородицу исповедающих Тя.**

**СВЕТЕ ТИХИЙ**

**Свете́ тихий святы́я сла́вы, / Безсме́ртнаго, Отца́ Небе́снаго, / Свята́го Блаже́ннаго, Иису́се Христé. / Прише́дше на запа́д со́лнца, / ви́девше свет вече́рний, / поeм Отца́, Сы́на и Свята́го Ду́ха, Бо́га. / Досто́ин еси́ во вся**

временá / пёт б́йти глáсы преподóбными, / Сýне Бóжий, живóт дайй, / тёмже мёр Тя слáвит.

### **Прокимен в пяток вечера, глас 7:**

**Боже**, Заступник мой еси Ты, / и милость Твоя предварит мя.

**Стих:** Изми мя от враг моих, Боже, и от востающих на мя избави мя.

**С**подоби, Господи, в вечер сей без греха сохранитися нам. Благословен еси, Господи Боже отец наших, и хвально и прославлено имя Твое во веки, аминь.

Буди, Господи, милость Твоя на нас, якоже уповахом на Тя. Благословен еси, Господи, научи мя оправданием Твоим. Благословен еси, Владыко, вразуми мя оправданием Твоим. Благословен еси, Святы́й, просвети мя оправданием Твоими.

Господи, милость Твоя во век, дел руку Твоею не презри. Тебе подобает хвала. Тебе подобает пение, Тебе слава подобает, Отцу и Сыну и Святому Духу, ныне и присно и во веки веков. Аминь.

**Гóсподи, помíлуй. 12.**

### **На стиховне стихиры самогласны, глас 1.**

**Иоанна монаха:**

Пятдесятницы наста дней преполовение, / в немже Христос обнажив маловидно Божественную силу, / разслабленнаго стягну словом, / того от одра возставив, / и боголепно чудотворяй в зданном теле, / человеком дарова вечный живот, / и велию милость.

**Стих: Помяни сонм Твой, / егоже стяжал еси исперва.**

Во святилище пришел еси, Премудросте Божия, преполовляющуся празднику, / уча и обличая непокоривыя иудеи, фарисеи и книжники, / и вопия со дерзновением к ним: / жаждай да грядет ко Мне, / и пиет воду животную, и не вжадет во век: / веруяй Моей благости, / реки потекут из чрева его жизни вечныя. / О благости и благоутробия Твоего, / Христе Боже наш, слава Тебе!

**Стих: Бог же, Царь наш прежде века, / содела спасение посреде земли.**

Глас 2: Егда преполовение праздника наста, / възиде Иисус во святилище, / и учаще непокоривыя иудеи, глаголя: / жаждай да грядет ко

Мне, / и пиет воду животную, вечную, и не вжаждется во век. / Веруяй в Мя, реки потекут из чрева его, / и имети будет свет животный.

**Слава, и ныне, глас 1:** Во святилище пришел еси, Премудросте Божия, преполовляющуся празднику, / уча и обличая непокоривыя иудеи, фарисеи и книжники, / и вопия со дерзновением к ним: / жаждай да грядет ко Мне, / и пиет воду животную, и не вжаждет во век: / веруяй Моей благодати, / реки потекут из чрева его жизни вечныя. / О благодати и благоутробия Твоего, / Христе Боже наш, слава Тебе!

**Н**ыне отпускаеши раба Твоего, Владыко, по глаголу Твоему с миром: яко видеста очи мои спасение Твое, еже еси уготовал пред лицом всех людей, свет во откровение языков, и славу людей Твоих Израиля.

**С**вятый Бóже, Святый Крѣпкий, Святый Безсмѣртный, помилуй нас. **Трижды, и три поклона.**

**С**лава Отцѹ, и Сѣину, и Святóму Дѹху, и ныне и прѣсно, и во вѣки векóв. **Амѣнь.**

**П**ресвятая Трѣице, помилуй нас: Гóсподи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

**Гóсподи, помилуй. Трижды.**

**С**лава, и ныне:

**Ó**тче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго. [Яко Твое есть Царство и сила и слава во веки. Амѣнь. (Мф. 6: 9-13)]

Тропарь святаго, глас 8:

**Возвысився на добродѣтель, / измлада возлюбив монашеское житиѣ, / к желанию доблественне достиг, вселился еси в пещеру / и, украсив житиѣ твоѣ пощением и свѣтлостию, / в молитвах, яко безплóтен, пребывал еси, / в Россійстей земли, яко свѣтлое свѣтило, просияв, óтче Феодóсие, / моли Христа Бога спастися душам нашим.**

**С**лава, и ныне, глас 8:

Преполовившуся празднику, / жаждущую душу мою благочестия  
напой водами, / яко всем, Спасе, возопил еси: / жаждай да грядет ко  
Мне и да пиет. / Источниче жизни нашея, Христе Боже, слава Тебе.

Господи, помилуй 40 раз.

Утверди, Боже, святую православленную веру православных христиан во  
век века.

Ангел вопиаше Благодатней: Чистая Дево, радуйся! И паки рекү:  
радуйся! Твой Сын воскресе тридневен от гроба, и мертвыя воздвиг-  
нувый: людие, веселитесь.

Светися, светися, новый Иерусалиме, слава бо Господня на тебе  
возсия. Ликуй ныне и веселися, Сионе. Ты же, Чистая, красуйся,  
Богородице, о востании Рождества Твоего.

Слава, и ныне:

Господи, помилуй. Трижды. Благослови.

Отпуст

Воскресый из мертвых, Христэ, истинный Боже наш, молитвами  
Пречистыя Твоея Матере, преподобных и богоносных отец наших и всех  
святых, помилуй и спаси нас, яко Благ и Человеколюбец.

Христос воскресе из мертвых, смертию смерть поправ и сущим во  
гробех живот даровав. Трижды.

И нам дарова живот вечный, покланяемся Его тридневному  
Воскресению.

Великаго господина и отца нашего Кирилла, Святейшаго Патриарха  
Московского и всея Руси, и господина нашего высокопреосвященнейшаго  
имярек, митрополита [или: архиепископа; или: преосвященнейшаго  
имярек, епископа] [егоже есть область], настоятеля, братию и прихожан  
святаго храма нашего, домочадцы наша и вся православныя христианы,  
Господи, сохрани их на многая лета.